

wissen wilt wieviel² — von vorgangē vñ¹ — vom zukunff
tigen so hastu wie viel er geschlagen hat / Machs nachm
yzt gesayten so komen funff halbe stundt / Wil also hie
mit die falsi dieser zeit beschlossē haben / wie wol ande
re fragstuck zu erkleren mehr vorhanden gewesen hab
ich die selbigen vmb mühsamkeit der anhebenden vñ
derwegen gelassen.

Regula Ceticis

odder virginum.

Die weil viel vñd mancherley red sich begeben vñder
den leyen vñd vnuerstendigen der rechnung / Als wenn
Männer Frawen vñd Jungfrawen ynn einer zech ver
sammelt eyn anzal geldes vortrincken vñ nicht zu gleich
bezaln / solches zu machen soltu mit vleis diese hübsche
Regel mercken welche Ceticis genant wirdt.

Thu yhm also schreyb fur dich gen der linckē hant die
anzal der personen / gegē der rechten hant wieviel sie ver
trincken vñd yñ die mitte wievil ein yzliche person / yz
liches geschlechts yñ sonderheyt gibt / Darnach mach dē
gelt dem wenigsten vberal gleich / als dann multiplicir
das kleinst an dē bezalüg mit den personē / vñ nym von
dem das sie vertrincken haben was do bleybt ist die zal
welche geteylt sol werden / Vñ sonderlichen soltu wissen
das allemal ein teiler weniger ist dan geschlecht verhan
den die selbigen mach also / Nim das geringste an beza
lung von dem andern so komen sie dir / Ist ein teiler ver
handen so teyl ab werden die meysten person dem gelte
nach an der bezalung die nim hinweg von den personē
so hastu